

1270, octubre, 18

*Arnaud de Font, de Madremanya, cedeix i permuta a Bernat de Bellmirall, ciutadà de Girona, i a l'hospital nou de la mateixa ciutat els seus drets sobre el mas Pradell de Millàs per una vinya situada a Madremanya, indret de Grecs.*

ASD núm. 209, perg. orig., 187 x 172 mm, carta partida.

Notum sit cunctis quod ego Arnaldus de Fonte, de Matremagna, per me et meos gratis ac spontanea uoluntate dono, diffinio et remito uobis Bernarda de Belmiray, cui Gerunde, et fratri Petro Generio, comendatari domus ospitalis noui Gerunde et pauperibus et conuentui eiusdem hospitalis et successoribus uestris in perpetuum totum ius meum liberum et integrum et quicquid iuris et racionis habeo et habere debeo et mihi competit uel competere debet tam ratione legacionis mihi facte a Guilielmo de Pradella condam de Miliariis, consanguineo meo germana, quam substitucionis in suo testamento mihi facte quam alio modo, in toto illa mansa uestro uocato de Pradella et omnibus honoribus heremis et laboratis et pertinenciis et possessionibus et proprietatibus ubique dicto mansa seu mansate spectantibus, qui mansus fuit condam dicti Guilielmi de Pradella, et qui est apud Miliariis in parrochia Sancti Stephani de Matremagna, ita quod amodo ego uel aliquis per me aliquid in predicto manso et mansata et honoribus et possessionibus et pertinenciis eiusdem petere uel exigere uel clamare nullo tempore ualeam predictis racionibus uel aliqua alia racione, set uos et uestri successores habeatis et teneatis totum predictum mansum et mansatam cum toto suo honore culto et heremo et omnibus possessionibus et pertinenciis dicti mansi, imo sit uobis et uestris et quibus uolueritis libera et absoluta et penitus expedita ah omni peticione, uinculo, iure meo meorumque, prout melius <lici potest ad uestrum bonum et sanum intellectum ad omnes uestras uestrorumque uoluntates perpetuo faciendas, cedendo et dando inde uobis et uestris omnia iura mea, loca, uoces, raciones et omnes acciones meas reales et personales, utiles et directas mihi competentes uel competituras ad omnes uestras uoluntates perpetuo faciendas. Et pro hac diffinizione accipio a uobis quandam uineam que est in parrochia Sancti Stephani de Matremagna, apud locum qui dicitur Gregs, de qua confiteor me a uobis pene fore pacatum et contentum, exceptioni dicte uine non tradite mihi renunciando. Et si amplius inde deberem habere, totum illud uobis et uestris dono et remito donacione inter uiuos, renunciando legi qua deceptis ultra dimidiam iusti precii subuenitur et omni excepcioni doli et accioni in factum et restitucioni in integrum et omni alii iuri obuiam uenienti. Et ad maiorem firmitatem iuro per Deum et super sancta .nu.or eius Euangelia corporaliter tacta hoc totum uobis et uestris atendere et obseruare et non contrauenire per me uel per aliquam interpositam personam.

Actum est hoc .xv. kalendas nouembris anno Christi millesimo ducentesimo septuagesimo.

Sig+num predicti Arnaldi de Fonte, qui hoc aprobo et firmo. Testes huius rei sunt Raimundus de Fonte de Matremagna et Berengarius Stephani et Berengarius Dominici de Miliariis.

(s. man.) Petrus de Colle de Episcopali, qui hoc scripsi cum suprascripto in quarta linea, ubi <licit "tam", die et anno quo supra.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 441-442